

四庫全書

集部

欽定四庫全書

御定歷代題畫詩類卷三十八目錄

故實類

題陶弘景移居圖

元楊維禎

挂書牛角圖

元劉因

李密逐太宗圖

宋劉子暉

跋秦王擒竇建德圖

元王惲

題韓晃畫瀛洲學士圖

宋韓駒

題欽廟主器時所作登瀛圖 宋陳造

題十八學士登瀛洲圖 元吳澄

題唐十八學士圖 元馬臻

登瀛洲圖 明陶安

題十八學士春宴圖 明王世貞

十八學士恭圖 明陳全

十八學士登瀛洲圖 明陳震

蜀府命題所藏唐十八學士瀛洲圖 明僧來復

馬周見太宗圖

明高啓

蕭御史取襖帖圖

元程鉅夫

題蕭翼賺蘭亭圖

明桂衡

觀開元皇帝東封圖

唐馬戴

唐玄宗與諸王講易圖

元唐肅

萼萼樓晏集圖

元虞集

五王避暑圖

元程鉅夫

五王避暑圖

元王惲

韓幹五王出遊

元素楠

唐五王出遊圖

元虞集

唐五王擊毬圖

元張憲

五王擊毬圖

明蔣主孝

題五王對奕圖

元張天英

五王行春圖

元張昱

題五王醉歸圖

元周馳

任月山五王醉歸圖

明程敏政

題五王夜燕圖

明唐寅

張東叔出紫雲回鑾圖以示坐客因為賦之

宋孔

武仲

九齡忠諫圖

元王惲

題唐三學士圍棋

元李祈

唐三學士圖

元錢選

唐三學士圖

明王禕

題花門將軍游宴圖

明宋濂

龍眠十八賢圖

元馬祖常

慧元畫寒林七賢

宋樓鑰

寒林七賢

金周昂

七賢寒林圖

元元好問

雪中行吟七賢圖

元程鉅夫

錢舜舉寒林七賢圖

明高得暘

御定歷代題畫詩類卷三十八目錄

欽定四庫全書

御定歷代題畫詩類卷三十八

故實類

題陶弘景移居圖

元 楊維禎

大奴擔簦挈壺飧小奴籠雞約孤狔雪斑鹿前雙婉孌
水雲牯背三溫磨中有玉立而長身幅巾野服為何人
云是永明之隱君身有黑子七星文自從夜讀葛洪傳
便覺白日生青雲解冠徑挂神武門蜜蠶尚拜君王恩

句容洞天元第八茅家兄弟邀秦臘飛宮上接十二樓
下聽華陽海聲狹三朝人物半凋零水丑木中文已成
金牛脫絡誰得筌枯龜受灼寧生靈金沙丹飯飢可餉
山中猶嫌呼宰相從此移家金積東湍谷桃花隔春壤
畫工何處訪仙蹤修眉明目射方瞳可無雞犬逐牛豕
栗橘葛樨皆家僮鐵崖浮家妻子從名山亦欲尋赤松
華陽禮郎或相逢清風喚起十八公乞以玉笙雙鳳吹
雌雄

挂書牛角圖

元 劉 因

長安江都搏手空台司光祿誰雌雄大事既去乃爾耳
渠頭不斫將安容喑鳴千年楚重瞳將軍視之猶楚公
挂書牛角亦偶爾史臣比擬良未同青青澤中蒲秀色
自凌空可憐徐色徒學術皆凡庸君不見羣兒驅羊竟
何功晉陽桃李亦秋風緱山圖畫有如此何如長作多
牛翁

李密逐太宗圖

宋 劉子輦

海內羣雄逐鹿時蚪髯一見識英姿牖窺已歎尚書婦
野拜仍驚柱國兒

跋秦王擒竇建德圖

元王惲

天命人心已有歸怒麕抗嶽欲奚為自將五載飛揚舉
辦作秦王破陣辭

題韓晃畫瀛洲學士圖

宋韓駒

咸陽中天開帝居羣公下直承明廬長鞦短轡褒衣裾
蒼頭廬兒爭走趨韓侯畫此時無虞瀛洲仙人樂有餘

我生不及貞觀初，忽思十年身校書。
吟詩天街騎蹇驢，爾來戎馬方馳驅。
眼厭繡掘蒙諸子，把卷未展先歎歔。
題欽廟主器時所作登瀛圖

宋陳造

唐家大府開天策，祖廟工歌登七德。
偽王連組紆頸歸，山東羞死虬鬚客。
文儒濟濟陪英游，海內共指登瀛洲。
未妨濫吹一延族，中有謀斷皋伊流。
崇寧聖人撫鴻業，黃頭遺種初芽蘖。
青宮進講多暇日，睿情遠覽思才傑。
水墨落紙分毫釐，心融筆忘天運機。
鸞翔鵠峙儼

原本
闕二

字更用褚亮摘辭為天翻地覆人得知神京北風吹阜
旗空令便橋乞盟未央酒盛事拂膺貞觀時天家所寶
君家得拜手披圖悼今昔鼎湖龍去餘弓劍上林鴈來
斷消息暮年筆力猶枝梧慣題七騎陰山圖為君斷句
偕畫往貸我老淚淋衣裾

題十八學士登瀛洲圖

元 吳澄

秦府開基萃勝流一時傾慕比瀛洲瀛洲渺渺在何許
我欲乘桴海上浮

題唐十八學士圖

元馬臻

唐家天子尊黃屋大業隆興調玉燭當年十八登瀛仙
弘文日侍分三六兩京初定四海清君聖臣賢古難續
立本圖真亮為讚遂令書府藏諸櫝後有龍眠傳此本
禮樂衣冠激流俗自從淪落向人間畫手紛紛互翻覆
千年事去君莫問留得青編遣人讀蕭蕭馬耳射東風
長安道上春山綠

登瀛洲圖

明陶安

天策英才聚一堂簾櫳清晝海波涼神仙宮闕金銀色
朝士衣冠雨露香飄逸詞情超世出聯翩翠羽拂雲翔
當時下土瞻麟鳳弱水蓬萊隔仞牆

題十八學士春宴圖

明 王世貞

梁園碧筠滿湘玉小山叢枝綴金粟天公驅龍擣秦土
移入秦王天策府虬髯主人馬上客手摑中原血華赤
芸氛霏霏講初罷獅子驄頭散鞭啗軟羅半臂春風偏
十八奚駒嘶紫烟玉酥宮痕纖月甲銀甕戈書小黃押

大槽亂拍真珠流葡萄就煖沉香虬琵琶掩瑰鷗雞促
聲聲破陣秦王曲義輪半春啓明曜萊公起舞密公笑
就中小薛醉隗俄龍門老師奈若何太子宮前演雞戟
銅馬時時齧荆棘諸君詰朝且虛左雋州流人來上座

十八學士棊圖

明 陳 全

唐家樓閣儼瀛洲簪珮聯翩結勝遊山水蒼蒼圖畫裏
漢陵無樹不宜秋

十八學士登瀛洲圖

明 陳 齊

龍姿日表真神武躍馬揮戈靖寰宇弘文高館羅豪英
羣賢入彀如登瀛千年盛事今如在疋素幻出風流情
玉堂岑邃三山小閣道紆迴鳳池杳鈴索簷前雲欲飛
采愚戶外花常繞碧房繡檻紫烟叢金堤寶馬垂楊裏
房公杜公意氣雄乾坤闔闢游胸中褚子蘇薛多文采
姚顏孔益經傳功虞陸二李才華豐蔡薛蘇許詩詞工
袞衣博帶紛肆筵烏紗羽扇臨風前彈棊展翰相留連
興來或作南薰絃清姿逸韻何翩翩寧論海外多神仙

我憐此畫工還拙心事丹青詎能說羣賢得志爭奮庸
親為唐家扶日月獨有敬宗終謬劣中葉幾使唐宗絕
嗟哉秦王樂士心斯館不為斯人設

蜀府命題所藏唐十八學士瀛洲圖

明僧來復

十八學士瀛洲仙文彩照世皆貂蟬廟堂論道豁胸臆
作藩開闢神堯天烈烈房與杜樹業光聯翩雅愛虞永
興健筆鐵可穿褚公姚公才湧泉早以儒術窮磨鐫二

蘇二薛何挺特王門獻納相後先主簿倉曹亦英俊天
策從事尤魁然太學先生美雙壁參參軍襟度冰雪妍宋
州戶曹最清簡一時風雅同高騫朝談黃石畧暮校白
雲篇所思在經濟末藝焉足傳方今化雨清八埏西堂
進講羅羣賢搜材直欲盡岩穴拔擢遠邁貞觀前畫師
殊有意模寫精丹鉛却令千載後名高日月懸丈夫宏
達當如此誰能齷齪困一羶我願河清海晏三千年聖
人端拱開文淵還期比屋可封俗淳古不獨圖像誇凌

烟

馬周見太宗圖

明高啟

封事朝聞夕拜官新豐無復客衣寒書生未有鳶肩相
只說君臣際會難

蕭御史取楔帖圖

元程鉅夫

楔帖屋梁上世人那得知不闕蕭翼點自是老僧癡

題蕭翼賺蘭亭圖

明桂衡

使星東犯斗牛來猿鳥忘機豈見猜莫笑老僧藏不得

昭陵玉匣有時開

觀開元皇帝東封圖

唐馬戴

儼若翠華舉登封圖乍開冕旒明主立冠劍侍臣陪跡
類飛仙去光同拜日來粉痕疑檢玉黛色訝生苔挂壁
雲將起凌風仗若迴何年復東幸魯叟望悠哉

唐玄宗與諸王講易圖

元唐肅

金盤未浴兒花奴未搥鼓七寶牀中一卷書不是梨園
新樂譜岐王薛王何足數寧把君王悟君父不聞龍馬

負圖來但驚野鹿銜花去

華萼樓晏集圖

元虞集

萼萼樓前翠輦來
寧王吹笛百花開
夾城誰敢爭馳道
獨對霓裳進玉杯

五王避暑圖

元程鉅夫

淮南恩少難為弟
有庠天回始念兄
得似開元全盛日
一樓萼萼友于情

五王避暑圖

元王惲

翠幄留香郁棣芳
紅雲紫煖鶴鴒沙
豆萁不免陳思歎
朱李寒泉是浪誇

韓幹五王出遊

元
袁
桷

萼萼樓高怯翠衾
平明聯騎走芳林
讓王可是無忠益
一曲涼州恨最深

唐五王出遊圖

元
虞
集

萼萼樓前御柳長
春風馳道曉塵香
龍姿鳳質多相似
黃髮為期樂未央

唐五王擊毬圖

元張憲

興慶宮前春正熟，綠楊夾道花如雪。
毬門風起日西斜，五馬歸來汗成血。
潞州別駕醉眼顚，雙袖傾歌擁岐薛。
申王按鞞宋王馳，杖撲毬囊手親挈。
草平如掌馬力均，玉鞭十里不動塵。
黃門扶入五花帳，大衾長枕姁家人。
萼萼相輝雨氣寒，樓中歌管漸闌殘。
紫騮不踏毬場路，萬里青驄蜀道難。

五王擊毬圖

明蔣主孝

毬門高結春如海紫袖垂垂剪雙綵薛王力倦宋王來
興慶宮前花正開侍兒弄笛中王醉更有岐王擁花睡
春風不動草如鋪兄弟怡怡入畫圖黃門擁入五花帳
官奴漫鼓花奴唱博山火熬水沉香富貴從來自天降
遲遲春日下龍樓萼萼聯輝雨氣浮大被漸寒歌管歇
三郎別領阿環遊

題五王對奕圖

元
張天英

千官朝退下昭陽華萼樓高碧樹香一擲乾坤呼五白

玉人催進紫霞觴

五王行春圖

元張昱

開元天子達四聰羽旄管籥行相從當時從駕驪山者
宰相猶是璟與崇萼萼樓中雲氣裏兄弟同眠復同起
玉環一旦入深宮大枕長衾冷如水興慶池頭花樹邊
梨園小部俱嬋娟楊家姊妹夜遊處銀燭萬條生紫烟
寧知樂極哀方始羯鼓未終鼙鼓起袞斜西幸雨淋鈴
回首長安幾千里

題五王醉歸圖

元周馳

晉陽首事成功烈卒入宮門流戕血至親骨肉忍相殘
禍至黃臺那可說讓帝知幾辭寶位履霜已戒堅冰至
萼萼相輝勢使然遂許明皇敦友弟當時行樂殊未央
賜予無節恩非常出則同遊入同宴五龍躩蹠騰康莊
時光鼎鼎如流電虛偽既消誠實見三子無辜死渭橋
太真有寵來金殿欲心一縱禍滔天社稷生靈不暇憐
從此陵夷於五代干戈喪亂禍年年

任月山五王醉歸圖

明 程敏政

何處離宮春宴罷五馬如龍自天下錦韉蹀躞搖東風
不用金吾候隨駕綠策烏騅衣拓黃顏頰不奈流霞漿
手戮淫昏作天子三郎舊是臨淄王大醉不醒危欲墮
雙擁官奴却鞍座宋王開國長且賢誰敢尊前督觴過
申王伏馬思吐茵絲韁側控勞奚人可憐身與馬鬪力
天街一餉流香塵岐王薛王年尚少酒力禁持美風調
前趨後擁奉諸兄臨風髣髴聞呼召夜漏歸時嚴禁垣

萼萼樓中金炬繁
大衾長枕已預設
帝家手足稱開元
我聞逸樂闕成敗
狗馬沉酣示明戒
二公作誥五子歌
此意當時可誰解
仙李枝空人不還
王孫一日開真顏
鵲原終古存風教
珍重丹青任月山

題五王夜燕圖

明唐寅

積善坊中五王宅
重樓複閣輝金碧
大衾長枕共春秋
鬪雞走狗連朝夕
萼萼樓前夜開燕
沈水凝烟燈吐燄
列坐中王與薛岐
讓皇降席同南面
昆侖琵琶涼州歌

當時進御雜雲和宮聲不屬商聲
暴琵琶聲起少琵琶聲多
獨有汝陽知律呂曾把流離諫
明主他日回鑾蜀道中
不教審聽鈴淋雨

張東叔出紫雲回鑾圖以示坐客因為賦之

宋
孔武仲

開元太平無兵戎真人味道希夷
中間之樂已饒足
唯有青霄未追逐坐中誰似葉先
生以氣為糧常辟穀
朝登員嶠夕崑崙只與神遊不要
人忽逢邀攜看月去

縹緲虛空生紫雲蟾宮竟不容久住仙樂飄飄送回去
歸來宮漏未移更甲帳明釭宛如故汾水悲歌仙不成
梨園空沒有遺聲紅塵如海漲朝市從此無人遊玉京

九齡忠諫圖

元王惲

挺笏推姦論已萌帝心唯恐悞忠貞開元所事

原本闕二字

足只欠成都萬里行

題唐三學士圖棋

元李祈

唐朝內相極清華出入黃扉掌白麻承詔歸來無一事

閒尋棋局到昏鴉

唐三學士圖

元錢選

唐三學士粲三英挺挺人才藝術精無事圍棋春晝永
至今畫筆尚傳名

唐三學士圖

明王禕

衣冠相肖不相侔棋局琴牀樂勝遊想像開元全盛日
太平人物總風流

題花門將軍游宴圖

明宋濂

花門將軍七尺長廣顙穹鼻卷髮蒼身騎叱撥紫電光
射獵娑陵古塞傍一箭正中雙白狼勇氣百倍世莫當
胡天七月夜雨霜寒沙莽莽障日黃先零匈奴古黠羌
控弦鳴鏑時跳踉將軍怒甚烈火揚寶刀雙環新出房
麾却何翅驅牛羊平居不怯北風涼白氊為幄界翠行
銅龍壓脊雙角張綵繩亘空若虹翔將軍中坐據胡牀
熾炭炙肉泣流漿革囊捫酒葡萄香駝蹄斜割勸客嘗
趙女如花二八強皮帽新裁繫錦纓低把琵琶彈鳳凰

半酣出視駝馬場五花作隊滿澗岡但道驩樂殊未央

龍眠十八賢圖

元馬祖常

林下石牀方溪邊竹影涼高人千載意山水寄餘光

慧元畫寒林七賢

有序

宋樓鑰

舊有唐人出游圖謂宋之問王維李白高適史白岑
參六人多畫七賢不知第七人為誰或云是潘道遥
然未見據病起坐攻媿齋元公忽作寒林七賢相寄
余方夢寐故山見之灑然戲作數語謝之

羣賢俱詩豪時代不同處安得寒林中
聯鑣睇相語誰歟創妙意臭味無今古
吾聞顧陸輩寓意或如許桃李並芙蓉
雪中蕉葉吐元師師老融淡墨埽風雨
作此寄攻媿寓興渺烟渚舊六令則七
未知果誰與我欲從之游詎敢廁儔侶
畫我往執鞭欣為李君御

寒林七賢

金周昂

苦寒如此欲何之雪帽風裘意自奇
縱有清詩三百首未應肯得黨家兒

七賢寒林圖

元 元好問

萬古騷人有賞音畫家滿意與幽尋
題詩記得松前事絕似馮雷入少林

雪中行吟七賢圖

元 程鉅夫

長庚自是謫仙人子美逢時稷卨臣
風雪茫茫五君子凍吟猶得望清塵


錢舜舉寒林七賢圖

明 高得暘

騷壇逸響何寥寥作者逝矣誰能招
詵然七子美風度

乃有遺像圖生綃衣冠半帶晉秀氣人物絕是唐中朝
想當朝事得休暇擬采野景歸風謠青驪黃犢踏凍雨
蹇驢瘦馬衝寒飈醉鞭笑停似按轡吟鐙戲拍催聯鑣
看花多情且少待尋梅有興非無聊此圖我嘗見十數
高林大樹風蕭蕭埽除閒冗存簡素吳興筆老才尤超
方之粉墨巧塗染奚止天地相懸遼尚疑高李六君子
當時未見潘逍遙道同氣合志相感雖曠百世如同僚
畫師晚出有深意況自昔日傳今朝屋梁落月見顏色

妙處不待窮摹描君不見袁安僵卧寒正驕王維乃作
雪裏之芭蕉



御定歷代題畫詩類卷三十八

欽定四庫全書

集部

御定歷代題畫詩類卷

三十九
四十

詳校官刑部侍郎_臣李封

主事銜_臣徐以坤覆勘

總校官降調編修_臣倉聖脉

校對官編修_臣吳錫麒

膠錄監生_臣鄭嶠

欽定四庫全書

御定歷代題畫詩類卷三十九目錄

故實類

題明皇按樂圖

宋鄭思肖

明皇按樂圖

宋劉克莊

明皇合曲圖

元元好問

題明皇按樂圖

元黃庚

明皇按樂圖

元王惲三首

明皇按樂圖

元虞集

題明皇按樂圖

元柳貫

明皇太真避暑按樂圖

元洪希文

明皇按樂圖

元楊維禎

唐玄宗按樂圖

元楊維禎

明皇按樂圖

元張雨

題明皇按樂圖

明張鳳翼四首

題明皇按舞圖

元虞集

明皇觀舞圖

明謝承舉

明皇卧吹簫圖

元宋無

唐明皇吹簫圖

元成廷珪二首

題唐明皇吹玉簫圖

明金湜

題明皇並簫圖

元劉詵

太真明皇並笛圖

元張憲

明皇並笛圖

明周用

題明皇並笛圖

明程煜

明皇擊梧桐圖

金馮璧

明皇擊敵

一作梧桐

按樂圖

元姚樞

擊梧桐圖

元袁桷

唐陳宏畫明皇擊梧桐圖

元吳師道

明皇擊梧桐圖

元李俊民

梁信燭鼓小圖

宋文同

梨園教曲圖

明張琦

霓裳圖

元吳師道

題明皇戲侏儒圖 元李祈

題明皇優戲圖 明劉崧

題明皇打毬圖 宋晁說之

題明皇醉歸圖 宋陳傅良

明皇醉歸圖 元素楠

明皇夜遊圖 宋程俱

明皇出遊圖 元虞集

題明皇出遊圖應制 元揭傒斯

明皇秉燭夜遊圖

明高啓

題明皇夜遊圖

明徐賁

明皇私語圖

元王惲二首

題明皇私語圖

元郝經

題明皇上馬圖

宋韓駒

題張郎中明皇小決圖

金段成己二首

明皇並轡圖

元宋無

明皇貴妃上馬圖

明張燦

明皇覽鏡妃子剪髮圖

宋劉子翬

題明皇貴妃對奕祿山傍觀圖

明楊基

明皇小車圖

明僧一初

唐明皇遊月宮圖

明蔣主孝

遊月宮圖

明陶安

明皇蜀道圖

宋李綱

明皇幸蜀圖

宋陸游

明皇幸蜀圖

明劉基二首

王摩詰畫明皇劍閣圖 金趙秉文

唐明皇幸驪山圖 元朱德潤

題火龍烹茶圖 明貝瓊

御定歷代題畫詩類卷三十九目錄

欽定四庫全書

御定歷代題畫詩類卷三十九

故實類

題明皇按樂圖

宋

鄭思肖

誰舉鑾輿向蜀行
梨園弟子歇新聲
及知凝碧池頭事
難得樂工雷海青

明皇按樂圖

宋

劉克莊

鶯啼花開春晝遲
掖庭無事方遨嬉
廣平策免曲江去

十郎談笑居台司屏間無逸不復覩教雞能鬪馬能舞
戲呼寧哥吹玉笛催喚花奴打羯鼓南衙羣臣朝見疎
老伶巨璫前後趨阿瞞半醉倚玉座袖有曲譜無諫書
金盃皇孫真龍種浴罷六宮競圍擁惜哉傍有錦綉兒
蹴破咸秦跳河隴古來治亂本無常東封未了西幸忙
輦邊貴人亦何罪禍胎似在偃月堂今人不識前朝事
但見斷縑裝束異豈知當日亂離人說著開元總垂淚

明皇合曲圖

元
元好問

海棠一枝春一國燕燕鶯鶯作寒食千古萬古開元日
三郎搦管仰面吹天公大笑嗔不得寧王天人玉不如
番綽樂句不可無宮腰不按羽衣譜疾舞底用牧豬奴
風聲水聲悶清都夢中令人羨華胥何時却並宮牆聽
恨不將身作李暮

題明皇按樂圖

元黃庚

五鳳樓前沸管絃春宵花暖月娟娟纖腰舞到霓裳曲
驚起豬龍地上眠

明皇按樂圖

三首

元王暉

羽曲調音到克諧宮中花柳四時開五絃儘有南薰手
却喚花奴解穢來

興慶宮池水殿深帝心橫潰溺哇淫讓王友愛情何切
獨為君王辨八音

逸圖零落御前帡心醉華清按樂聲擊損碧梧緣底事
促教秋雨劍闌行

明皇按樂圖

元虞集

新度霓裳曲三年教得成驚鴻渾不下飛燕若為輕芍
藥春亭暮芙蓉野水生梨園多白髮吹笛到天明

題明皇按樂圖

元 柳貫

開元天子樂當陽手按琵琶引鳳凰曲譜纔翻新玉笛
淚痕還滴舊香囊

明皇太真避暑按樂圖

元 洪希文

已剖冰盤金粟瓜旋調雪水試新茶宮娃未解君恩暖
尚引青鑿汲井花

明皇按樂圖

元 楊維禎

沈香亭前萼萼下天街一陣催花雨
海棠花妖睡初著喚醒一聲紅芍藥
金鑾供奉調清平梨園舊曲換新聲
阿環自吹范陽笛八姨獨操傷春情
君不見夜游重到明月府青鸞能歌
兔能舞五雲不障蚩尤旗回首烟中
萬聲鼓那知著底梧桐雨雨聲已入
淋鈴譜

唐玄宗按樂圖

元 楊維禎

大唐天子梨園師金湯重付軋聲兒
何人端坐閱樂籍

三萬纏頭不足支
龜年檀板阿蠻舞
花奴手中花如雨
鈞天供奉真上人
上亦親撾汝陽鼓
玉奴檀槽倦無力
忽竊寧哥手中笛
邊風吹入新貢簫
銅池夜夢雙飛翼
閤門邊奏塞黠聰
耳譜更訪明月宮
漁陽一震萬竅聾
梨園弟子散如雨
惟有舞馬傷春風

明皇按樂圖

元張雨

髯伶識樂句
我信曲有誤
月白商聲多
塵起漁陽戍

題明皇按樂圖

四首

明張鳳翼

萼萼樓頭弟與兄涼州一部試新聲不知舞象銜杯處
可似簫韶奏九成

桓譚且莫奏繁音唐帝元非漢帝心若在沉香亭上聽
應將羯鼓易瑤琴

軍中聲鼓動漁陽四野桑麻作戰場獨有深宮慶生處
新聲猶奏荔枝香

勤政樓前奏樂章梨園歌舞雜笙簧歸來止有藍田磬
只合含酸付太常

題明皇按舞圖

元虞集

寢安食飽對青雲按舞調笙不厭頻西內歸來還獨看
梨園弟子白頭新

明皇觀舞圖

明謝承舉

勤政樓前午朝罷華萼樓頭西日下沉香亭畔梧已秋
凝碧池中蓮尚夏紫衣傳宣詔九宮宮中麗人脂粉紅
錦鴛彩鳳炫晴日嬌鶯乳燕隨春風御厨捧勅陳華宴
錯雜奇珍按時換粢來粢粢赤金盤捧出纖纖青玉案

分行判隊衆樂鳴琵琶箏篋瑤瑤箏月支小麼解漢唱
越江妃子能秦聲何須三擊花奴鼓六律皆依板為主
玉環指下節奏明內中一人忙起舞軟鞦尖帽高麗裝
團花纏身金縷裳俏裁四幅裏腰窄寬兜兩袖拖肩長
大垂小垂輕復舉左挺右挺風旋起蛺蝶爭翻柳絮雲
蜻蜓亂點桃花水一縱再縱勢欲前東歎西歎態欲偏
香埃蹴步自掩冉日光踏影相踰躑唐家三郎倚花坐
歡極諸姨盡稱賀漁陽鼙鼓動地來歌舞花間忽驚破

明皇卧吹簫圖

元 宋 無

珊瑚枕上玉簫橫一曲霓裳萬里行
漫道九重宮殿遠幾曾掩得外邊聲

唐明皇吹簫圖

二首

元 成廷珪

寢殿春深晝漏遲榻前侍女立多時
玉簫自按霓裳曲賜與梨園子弟吹

萼萼樓前柳色新東風吹散馬嵬塵
錦囊五管俱零落誰是終南夢裏人

題唐明皇吹玉簫圖

明金湜

昭陽殿高晝長
珊瑚枕壓七寶牀
珍簾平鋪碧雲冷
珠簾半捲秋風涼
此時諫疏非無補
君王自喜教歌舞
舊曲翻成阿濫堆
別調新傳玉簫譜
玉簫一曲度薰風
宮商十指何玲瓏
碧沼游魚窺菡萏
丹霄彩鳳鳴梧桐
梨園子弟多白髮
承宣獨喜黃繡綽
手提玉板不停敲
足踏青蒲恣歡譁
雙雙粉黛誰家女
霓裳細拂鮫綃縷
歛袖低眉不動塵
似解鳴鳴曲中語
從來聲色侈人心

人生樂極悲亦深豈料簫聲入雲去化作漁陽鼙鼓音

題明皇並簫圖

元 劉 詵

青鳥西來太液池霓裳舞影落瑤墀並吹玉管同心調
惟有姮娥月裏知

太真明皇並笛圖

元 張 憲

黑奴絃索花奴鼓譚奴撫掌閨奴舞阿環自品玉玲瓏
御手夷猶親按譜風生龍爪玉星香露溼櫻脣金縷長
莫倚花深人不見李暮側足傍宮牆

明皇並笛圖

明周用

燕婉其如父子情
忍將舊怨度新聲
蜀中此夜淋鈴曲
誰伴君王坐到明

題明皇並笛圖

明程煜

華清晏罷卷霓裳
重立東風並海棠
鳳琯莫吹新製曲
有人乘月倚宮牆

明皇擊梧桐圖

金馮璧

三郎耳譜趁花奴
風調才情信有餘
天寶錯來非一拍

霓裳中節亦區區

明皇擊鼓

一作梧

按樂圖

元

姚

樞

阿萱五季名畫師尤工粉墨含春姿君王游蕩墮聲色
不知聲色傾人國開元無逸致太平天寶奢風生五兵
偃月堂近幽薊遠潛謀不入芙蓉苑咸陽行色馬嵬塵
渲筆雖工恐未真四海蒼生半魚肉歸來豈為香囊哭
一日重開日月光黃金却鑄郭汾陽

擊梧圖

元

表

桷

萬樹梨園已失春秋聲
颯颯起胡塵
君王獨立梧桐下
不見當年疏諫人

唐陳宏畫明皇擊柷圖

元 吳師道

三郎半醉玉顏開
手戛青桐舞節催
老樹無情應解笑
曲成那得鳳皇來

明皇擊柷圖

元 李俊民

不使梨園弟子知
太平音在鳳皇枝
一朝野鹿銜花去
長恨秋風落葉時

梁信羯鼓小圖

宋文同

高梧間垂楊玉宇極清邃三郎當殿坐左右擁佳麗
耀瑜近香案蹲獸吐碧穗寶几承畫控續紛交綵袂花奴
卷雙袖俛立前奏技君王顧之笑軒廡動和氣誰謂一
尺素寫遍天上意聽者定何如觀之猶解穢

梨園教曲圖

明張琦

梨花千樹雨初收上苑春風吹未休新製樂章音調
溫敕教依舊唱伊州

霓裳曲

元 吳師道

一曲霓裳衆樂催相傳親聽月宮來當時果有飛神術
末路因何厄馬嵬

題明皇戲侏儒圖

元 李 祈

太宗英風溢寰區指顧羣雄定海隅何事開元全盛日
却將勲業付侏儒

題明皇優戲圖

明 劉 崧

臂袒紅衫側阜冠翩躑跼舞樂初攢笛聲一片宮前起

應說秋風蜀道難

題明皇打毬圖

宋晁說之

闔闔千門萬戶開
三郎沈醉打毬回
九齡已老韓休死
無復明朝諫疏來

題明皇醉歸圖

宋陳傅良

騎者兩人扶不正
夾道誰知為萬乘
一人前馳一顧後
懷欲並驅無號令
狩人亦忘記鷹犬
仰視只愁天欲暝
有司刺候上起居
杳莫得詳宮鑰靜
嗚呼開元自英主

前鑑竟遺盈幅紙君不見漢宮圖姐已未必當年甚如是

明皇醉歸圖

元
袁
桷

日暮毬場醉欲歸停鞭更進紫霞杯老髯未省淋鈴曲
猶願君王款款回

明皇夜遊圖

宋
程
俱

燃膏飛控逐流光露溢金盤樂未央擬跨八龍窮轍迹
誰令一馬向銅梁

明皇出遊圖

元虞集

開元盛事何人畫
玉冠芙蓉御天馬
從官騎步各有持
移仗華清意閒暇
宮袍如錦照青春
詔許傳看思古人
不知身在瀛洲上
親奉圖書侍紫宸

題明皇出遊圖應制

元偁侯斯

明皇八駿爭馳道
還是開元是天寶
長安花發萬年枝
不識韶華醉中老
金章閣下文章靜
袞衣高拱唐虞聖
莫言此畫徒爾為
千載君王作金鏡

明皇秉燭夜遊圖

明高啟

華萼樓頭日初墮紫衣催上宮門鎖大家今夕燕西園
高熱銀盤百枝火海棠欲睡不得成紅妝照見殊分明
滿庭紫燄作春霧不知有月空中行新譜霓裳試初按
內使頻呼燒燭換知更宮女報銅籤歌舞休催夜方半
共言醉飲終此宵明日且免羣臣朝只憂風露漸欲冷
妃子衣薄愁成嬌琵琶羯鼓相追續白日君心歡不足
此時何暇化光明去照逃亡小家屋姑蘓臺上長夜歌

江都宮裏飛螢多一般行樂未知極烽火忽至將如何
可憐蜀道歸來客南內淒涼頭盡白孤燈不照返魂人
梧桐夜雨秋蕭瑟

題明皇夜遊圖

明
徐 貢

華萼樓前煙漠漠君王睡重無人覺別宮漏點戀寒宵
閒却梨園太平樂雲龍十二秋扶搖青黎化作黃金橋
翡翠門屏桂枝影素娥羽帶香風飄優童共記霓裳舞
歸來換盡人間譜梧桐擊碎教妖環蜀山夢戰漁陽鼓

明皇私語圖 二首

元王惲

人老逢秋百感催
夜深私語自為媒
祇知海嶽情緣在
不道生離有馬嵬

盈盈一水隔雙星
不似行雲侍錦屏
歡樂幾時憂思集
碧梧秋雨待君聽

題明皇私語圖

元郝經

一旦妖姬屬亂兵
當時私語竟何成
祇應蜀道蒙塵日
悔不終宵問賁生

題明皇上馬圖

宋韓駒

翠華欲幸長生殿立馬樓前待貴妃尚覓君王一回顧
金鞍欲上故遲遲

題張郎中明皇小決圖

二首

金段成己

志在馳驅禍已胎笑顏況更為誰開貪爭飛鞚鞭騾去
不覺踰垣有鹿來

天寶承平事久無弄丸驢背自驅馳不期一笑宮中戲
傳作人間小決圖

明皇並轡圖

元 宋 無

三郎沈醉玉環隨不上金輿索馬騎老大獨歸南內裏
風流無復並鞍時

明皇貴妃上馬圖

明 張 燦

七寶裝鞍蜀錦堆黃門扶控踏紅埃君王只顧蛾眉笑
末路誰知到馬嵬

明皇覽鏡妃子剪髮圖

宋 劉子翬

不復青銅照瘁顏
耄荒從諫若移山
只將女子論賢否

陶母當時亦剪髮

題明皇貴妃對奕祿山傍觀圖

明楊基

深院紋楸敵睡魔
玉環用意感雙蛾
只因數子藏機密
不覺三郎失著多
布陣似窺龍尾道
爭邊未至馬嵬坡
有人冷眼觀成敗
若箇胡兒似爛柯

明皇小車圖

明僧一初

宮門日出乳鴉啼
仙漏沈沈樹影低
朝罷千官無一事
車聲又過壽陽西

唐明皇遊月宮圖

明 蔣王孝

嫦娥不是人間客
月殿應非世上宮
當日君臣俱涉夢
漁陽特地起西風

遊月宮圖

明 陶安

桂影團團舞鳳皇
瓊樓宛在水中央
白虹橋背騰仙侶
玉兔毫端挹瑞光
但覺雲霄隨步武
不知風露濕衣裳
一場夢幻傷心處
胡馬揚塵蜀道長

明皇蜀道圖

宋 李綱

君不見開元天寶同一主治亂相翻如手舉擘盈欲惡
雖一人變易安危原近輔姚宋已死九齡黜誰使楊釗
繼林甫宮中太真專寵私塞外番酋成跋扈禍胎養就
不自知漫向華清遺七筓漁陽突騎破潼關百二山河
震金鼓翠華杳杳幸西南赤縣紛紛集胡虜傷心坡下
失紅顏墮淚鈴中聞夜雨山青江碧蜀道難棧閣連空
傷相拄旌旗慘淡雲物愁林木陰森猿鳥侶戎裝宮女
亦善騎皓齒明眸如笑語老髯奚官驅蹇驢負索齎糧

豈供御九重徽衛復誰勤萬里艱危真自取至尊狼狽
尚如此歎息蒼生困豺虎千秋萬歲不勝悲玉輦金輿
盡黃土空令畫手思入神一寫丹青戒今古

明皇幸蜀圖

宋陸游

天寶政事何披猖使典相國胡奴王弄權楊李不足怪
阿瞞手自裂紀綱八姨富貴尚有理何至詔書褒五郎
盧龍賊騎已洶洶丹鳳神語猶琅琅人知大勢如累卵
天稔奇禍如崩牆臺省諸公獨耐事歌詠功德卑虞唐

一朝殺氣橫天末
足馬西奔幾不脫
向來諂子知幾人
賊前稱臣草間活
劍南萬里望秦天
行殿春寒聞杜鵑
老臣九齡不可作
魚蠹蛛絲金鑑篇

明皇幸蜀圖

二首

明
劉基

斜陽慘澹照霓旗
石棧縈紆僕馬羸
想得林間子規鳥
斷崖青壁亦相隨

裂帛聲中發禍機
白華歌斷草霏霏
可憐蜀道三軍恨
不記他年武惠妃

王摩詰畫明皇劍閣圖

金趙秉文

劍閣森危隔錦官雲間棧路細盤盤天回日馭長安遠
雨滴鈴聲蜀道難當日六軍同駐馬他時萬國獨回鑾
傷心凝碧池頭句有底功夫作畫看

唐明皇幸驪山圖

元朱德潤

驪山西北高萬乘東南至霓旌蒼翠中閣道丹青裏憶
昔上林遊春寒多並轡羯鼓召花奴黃門吹力士霓裳
曲未終驚動漁陽騎

題火龍烹茶圖

明
貝 瓊

松聲一作秋濤雄銅龍吐火鱗甲紅黃衣中使備玉食
泉出金沙甘露濃春風一旗色尚活建溪山人雨前掇
蓬萊殿裏沃焦餘玉椀分沾侍臣渴名花喚起海棠魂
細葉未數丁香根宮中一日歌舞散世上千秋圖畫存
開元盛事何人省書生亦解誇雙井空山埽葉燒破鎬
閉門讀書秋夜永

御定歷代題畫詩類卷三十九

欽定四庫全書

御定歷代題畫詩類卷四十目錄

故實類

李白醉歸圖

金呂子羽

太白醉歸圖

元劉秉忠

李太白舟中醉卧圖

元劉秉忠

李白醉歸圖

元王惲

太白醉歸圖

明顧觀

太白醉歸圖

明陳顥

太白獨釣圖

元元好問

太白獨釣圖

元王惲

題太白酒船圖

元趙孟頫二首

題李白觀泉圖

元張翥

太白觀瀑布圖

元僧大訥

李太白觀瀑布圖

明劉基

李太白觀瀑布圖

明宋濂

李白觀瀑布圖 明方孝孺

錢舜舉太白觀瀑圖 明王世貞

太白捉月圖 金蔡珪

太白捫月圖 元王惲

謫仙捉月圖 元程鉅夫

李白玩月圖 元余闕

題李白問月圖 明張以寧二首

題太白納涼圖 元陳高

太白扁舟圖

元宋無

李白騎驢圖

元元好問

太白還山圖

元劉秉忠

李伯時畫太白泛舟小像

元潘伯修

竹溪六逸圖

元陳旅

竹溪六逸圖

明立濬

題脫鞵返樵圖

元陳旅二首

杜子美浣花醉歸圖

宋黃庭堅

杜陵浣花圖

元趙孟頫

老杜醉歸圖

元李俊民二首

題杜甫麻鞋見天子圖

元錢惟善

少陵春遊圖

元程鉅夫

題杜甫遊春圖

元李祈

杜甫遊春圖

明陳憲章

孟浩然騎驢圖

宋劉克莊

金主畫孟浩然騎驢圖

元袁桷三首

孟浩然灞橋圖 元王惲

孟浩然跨驢圖 元吳師道二首

題倒騎驢觀梅圖 元吳澄

王維畫孟浩然騎驢圖 元牟獻

踏雪尋梅圖 明程敏政

孟浩然騎驢吟雪圖 明高啓

孟襄陽雪行圖 明張羽

張建封擊球圖 元張昱

為郭宗道祭酒題韓滉移居圖 元貢師泰

令狐學士金蓮圖 元許有壬

裴晉公綠野探梅圖 元王惲二首

陸羽烹茶圖 明張以寧

風雪藍關圖 元王惲二首

韓文公度藍關圖 明吳寬

退之留別大顛圖 金段成已

石鼎聯句圖 元劉因

石鼎聯句圖 元王惲二首

戲題李渤聯德高蹈圖 元劉因八首

盧仝煎茶圖 明唐寅

樂天不能忘情圖 元元好問二首

樂天不能忘情圖 元王惲二首

樂天不能忘情圖 元袁桷二首

白樂天琵琶行圖 元劉因

潯陽琵琶圖 元張雨

湓浦琵琶圖

明高啓

白傅湓浦圖

明高啓

題九老圖

宋陳造二首

為陸全卿題劉松年香山九老圖

明吳寬

香山九老圖

明王恭

香山九老圖

明莊杲

九老圖

明顧應祥

賈治安騎驢圖

元甘立

觀明發畫李賀高軒過圖 宋僧道潛

李賀醉吟圖 元劉因

莊宗橫吹圖 元王惲二首

桑維翰鐵硯圖 明唐寅

李後主圖 元馬祖常

南唐王齊翰剔耳圖 明吳寬

韓文靖重幘圖 元王惲二首

顧宏中畫韓熙載夜宴圖 元顧瑛

顧宏中畫韓熙載夜宴圖 元鄭元祐

顧宏中畫韓熙載夜宴圖 元何廣

題韓熙載夜宴圖 明王世貞三首

石上三生圖 元程鉅夫

三生石上圖 明鄭關

御定歷代題畫詩類卷四十目錄

欽定四庫全書

御定歷代題畫詩類卷四十

故實類

李白醉歸圖

金
呂子羽

春風醉袖玉山頽
落魄長安酒肆迴
忙然中官尋不得
沈香亭北牡丹開

太白醉歸圖

元
劉秉忠

五斗先生未解醒
一生愛酒不曾醒
人間詞翰傳名字

天上星辰萃性靈
雁帶暖回波泛綠
燕銜春至草抽青
紗巾醉岸南山道
幾處哦詩補畫屏

李太白舟中醉卧圖

元 劉秉忠

仙籍標名世不收
錦袍當在酒家樓
水天上下兩輪月
吳越經過一葉舟
壺內乾坤無晝夜
江邊花鳥自春秋
浮雲能蔽長安日
萬事紛紛一醉休

李白醉歸圖

元 王 惲

雲陣橫陳大渡河
一書能解六蠻和
仙韶莫詫君王寵

七寶莊嚴未是多

太白醉歸圖

明 顧 觀

歌成芍藥倒金壺並轡宮官馬上扶
樂部餘音隨彩旆
仙班小隊下清都
長庚萬丈文章燄
後世千年粉墨圖
江左青山舊時月
一杯誰慰客墳孤

太白醉歸圖

明 陳 顥

偶向長安醉市沽
春風十里倩人扶
金鑾殿上文章客
不減高陽舊酒徒

太白獨釣圖

元
元好問

謫仙去世三百年海中鯨魚渺翩翩豈知龍眠天馬筆
忽有玉樹秋風前金鑾歸來身散仙世事悠悠白髮邊
會稽賀老何處在千里名山入酒船清景已隨詩句盡
風流合向畫圖傳往時長安酒家眠焦遂不狂張不顛
想得三更風露下醉和江月弄江烟

太白獨釣圖

元
王 惲

九重春色醉仙桃何似江山照賜袍千丈氣豪愁不管

青山磯上月輪高

題太白酒船圖 二首

元 趙孟頫

載酒向何處稽山鏡水邊若為無賀老興盡便回船
瀟灑稽山道風流賀季真相思不相見愁殺謫仙人

題李白觀泉圖

元 張翥

玻瓈杯中春酒綠醉墨淋漓牡丹曲平生合置七寶牀
白紵烏紗美如玉阿瞞荒宴百不理寧計宮花銜野鹿
何物老嫗生此兒偷向金雞帳中宿高將軍纔奴隸耳

誤使脫鞵吾所辱要留汗鞵蹋鯨魚
鼠子何堪煩一蹴尋常溝瀆不可濯
何處容伸遭汙足翩然卻下匡廬雲
五老峰前看飛瀑

太白觀瀑布圖

元僧大訢

我本白雲人見山每回首披圖得松泉
感我塵埃久我家只在九江口從此扁舟到牛斗
翻愁天上銀濤堆石轉雲奔萬雷吼水行地底不上天
龍泓豈與滄溟連風葉無聲飛鳥絕月光雲影天茫然
丈人何來自空谷謫

仙招隱當不辱林梢噴雪舞飛華尚想隨風唾珠玉馬
首青山如喚人歸來好及松華春泉香入新釀解公頭
上巾今者孰不樂荒墳委荆榛遂令畫師意萬古留酸
辛酸辛復何益東海飛紅塵

李太白觀瀑圖

明
劉基

憶昔李謫仙泛舟彭湖東遂登廬山頂直上香爐峰遙
望瀑布水自天垂白虹大聲回九地浮光散虛空萬木
震辟易千崖殷鐘鏞清涼入肌骨如歸廣寒宮賦詩留

人間至今響淪淪丹青極摹寫欲代玄造功逸駕不可
追舉頭睇飛鴻倚歌無人和引袖乘長風

李太白觀瀑布圖

明宋濂

長庚煜煜天之章精英下化為酒狂匡廬五老森開張
銀河萬丈掛石梁下馬傲睨立欲僵聳肩袖手神揚揚
憶昔開元朝上皇宮中賜食七寶牀淋漓醉墨蛟龍驤
人疑錦繡為肝腸麾斥力士如犬羊營營青蠅集于房
金鑒不復承龍光并州可識郭汾陽不可丹陽逢永王

大風吹沙日為黃
狡狴哀啼聞夜郎
蒼天欲使詩道昌
頓挫萬物歸奚囊
何處更覓延年方
北海天師八尺長
芙蓉作冠雲為裳
授以蕊笈青琳琅
蓬萊屹起瀛海洋
羣仙遲汝相徊翔
誰將粉墨圖縑緙
顧我一見心倥偬
詩成仰視天蒼茫
夜半太白生寒芒

李白觀瀑布圖

明方孝孺

天寶之亂唐已亡
中興幸有汾陽王
孤軍足馬跨河北
手扶紅日照萬方
凌烟功臣世爭羨
李侯先識英雄面

沈香亭北對蛾眉眼中已見漁陽亂故令邊將儲虎臣
為君談笑清胡塵朝廷策勲當第一珪組不敢縻天人
西遊夜即探月窟南浮萬里窮楚越雲山勝地有匡廬
銀河掛空灑飛雪醉中信馬踏清秋白眼望天天為愁
金閨老奴污吾足更欲坐濯清溪流

錢舜舉太白觀瀑圖

明王世貞

匡廬萬古瀑太白千秋才兩奇偶相值後人何有哉及
展舜舉圖悅登文殊臺立起青蓮枯來聽萬壑雷始知

丹青力可以迴寒芳

太白捉月圖

金蔡珪

寒江覓得釣魚船影在江心月在天世上不能容此老
畫圖常看水中仙

太白捫月圖

元王惲

詩中無敵飲中豪四海飄蕭一錦袍千丈醉魂無處著
青山磯上月輪高

謫仙捉月圖

元程鉅夫

牛渚磯前白錦袍
峨眉亭外月初高
江波滿眼如平地
醉倒長庚一世豪

李白玩月圖

元
余闕

春池細雨柳纖纖
手倦揮毫日上簾
想得停杯江海夜
月明照見水精鹽

題李白問月圖

明
張以寧

誰提明月天上懸
九州蕩蕩清無烟
天東天西走不駐
姮娥鬢霜垂兩肩
中有桂樹萬里長
吳剛玉斧聲闌闌

顧兔杵藥宵不眠
天翁下視為爾憐
頗聞昔時錦袍客
乃是月中之謫仙
帝命和予羽衣曲
虹橋一斷心茫然
竹王祠前霧如雨
躑躅花開啼杜鵑
月在天上缺復圓
人間塵土多英賢
舉杯問月月不言
風吹海水秋無邊
滄波盡捲金尊裏
清影長隨舞袖前
相期迢迢在雲漢
嗚呼此意誰能傳
騎鯨寥廓忽千年
金薤青瑩垂萬篇
浮雲起滅焉足異
終古明月懸青天

題李白問月圖

明張以寧

青天出皓月碧海收微烟舉杯一問月我本月中仙醉
狂謫人世於今幾何年桂樹日已老我別何當還兔藥
日已熟我鬢何由玄迢迢夜郎外垂光一何偏問月月
不語舉杯復陶然青天自萬古皓月長在天明當躡倒
景飛步崑崙巔

題太白納涼圖

元陳高

六月炎天飛火烏土焦石爍河流枯邇來衰病更畏熱
呼叫欲狂揮汗珠飲冰嚼藕廢朝夕小室如爐眠不得

閒將圖畫縣四壁漫想深山好泉石就中此圖尤絕奇
青林飛瀑吹涼颼何人展席坐蒼蘚乃是謫仙初醉時
露頂裸裎投羽扇仰看雲生白成練松陰如雨毛骨寒
豈識人間絆足倦祇今匡廬道阻修雁蕩天台近可遊
便欲致身丘壑裏挂巾石壁繼風流

太白扁舟圖

元宋 無

錦袍烟艇夜郎西酒思金盞入直時不道相思杜陵老
愁吟落月屋梁詩

李白騎驢圖

元 好問

八表神遊下筆難
畫師胸次自酸寒
風流五鳳樓前客
枉作襄陽雪裏看

太白還山圖

元 劉秉忠

一片靈臺照世明
共傳太白是元精
心中有道時時樂
眼底無塵物物清
千首未知詩作癖
百杯尋與酒為盟
長安多少風和月
不盡先生吟醉情

李白時畫太白泛舟小像

元 潘伯修

李白自號謫仙人更得龍眠為寫真一箇青蓮初出水
千年金粟再來身胷中元氣詩如海物外還丹酒借春
一笑掀髯緣底事桃花潭上見汪倫

竹溪六逸圖

元陳旅

千畝松篁野徑開一溪流水碧於苔山樽共醉徂徠石
何用楊妃七寶杯

竹溪六逸圖

明丘濬

徂徠之山竹滿溪溪中流水清漪漪昔人已往不可見

至今陳迹猶依稀
酣飲狂歌者六子
就中最豪孔與李
為龍為蛇誰豫知
白也逃生巢父死

題脫鞬返櫂圖 二首

元陳旅

威鳳翔寥廓
妖蜚窟廣寒
翻令趙飛燕
無處倚闌干
九日姑孰守
千古涪陵翁
高人又返櫂
江國夕陽中

杜子美浣花醉歸圖

宋黃庭堅

拾遺流落錦官城
故人作尹眼為青
碧雞坊西結茅屋
百花潭水濯冠纓
故衣未補新衣綻
空蟠胸中書萬卷

探道欲度羲皇前論詩未覺國風遠干戈崢嶸暗宇縣
杜陵韋曲無雞犬老妻稚子且眼前弟妹漂零不相見
此公樂易真可人園翁溪友肯卜鄰鄰家有酒邀皆去
得意魚鳥來相親浣花酒船散車騎野牆無主看桃李
宗文守家宗武扶落日蹇驢馱醉起願聞解兵脫兜鍪
老儒不用千戶侯中原未得平安報醉裏眉攢萬國愁
生綃鋪牆粉墨落平生忠義今寂寞兒呼不蘇驢失脚
猶恐醒來有新作常使詩人拜畫圖煎膠續絃千古無

杜陵浣花圖

元 趙孟頫

春色醺人苦不禁
蹇驢馱醉晚駸駸
江花江草詩千首
老盡平生用世心

老杜醉歸圖

二首

元 李俊民

尋常行處酒債每日
江頭醉歸薄暮斜
風細雨長安一
片花飛

百錢街頭酒價蹇
驢醉裏風光莫
傍鄭公門去恐
猶恨在登牀

題杜甫麻鞋見天子圖

元錢惟善

四郊多壘未還鄉
又別潼關謁鳳翔
九廟君臣同避難
十年弟妹各殊方
中興百戰洗兵甲
萬里一身愁虎狼
寂寞當時窮獨叟
按圖懷古恨茫茫

少陵春遊圖

元程鉅夫

杜陵野客正尋詩
花柳前頭思欲迷
一樣東風驢背穩
曲江何似浣花溪

題杜甫遊春圖

元李祈

草屋容敞枕茅亭可振衣如何驢背客日晏尚忘歸

杜甫遊春圖

明 陳憲章

碧柳黃鸝三月畫江湖風雨萬篇詩花前濁酒不得醉
驢背春風空自吹

孟浩然騎驢圖

宋 劉克莊

壞墨殘縑閱幾春灞橋風味尚如真摩挲只可誇同社
裝飾應難奉貴人舊向集中窺一面今於畫裏識前身
世間老手惟工部曾伏先生句句新

金主畫孟浩然騎驢圖

三首

元
袁
楠

生前明主已遭嗔
身後君王為寫真
家國總緣詩句廢
灞陵猶勝蔡州塵

木葉山前雪似銀
軟裘難作自由身
想因晚歲朝陵後
故寫騎驢處士真

北闕明言不上書
蹇驢何自入西都
開元天子元無分
留與他生作畫圖

孟浩然灞橋圖

元
王
惲

金鑒消息遠相招雪滿吟鞍過灞橋處士本無經世志
強將詩句枉清朝

孟浩然跨驢圖 二首

元 吳師道

風雪瀟瀟破帽敝玉堂回首夢應非鹿門松徑寒門裏
擁被微吟定憶歸

直語無因住禁垣清遊隨意蹋寒原風流鄭五雖相似
應愧詩庸位轉尊

題倒騎驢觀梅圖

元 吳澄

玉妃一笑本無猜，拘性驢兒去不回。
見面可憐交臂失，留情聊復轉身來。
月凝絕艷駸駸遠，風送清香款款陪。
雪裏吟翁吟弗就，過時卻與惱癡猷。

王維畫孟浩然騎驢圖

元牟獻

窮浩然老摩詰，平生交情兩莫逆。
也曾攜去宿禁中，堪笑詩人命奇薄。
只應寂寞歸舊廬，此翁殷勤殊未足。
作詩借問襄陽老，詩中猶恐憶孟六。
悠悠江漢今幾秋，一夕神交如在目。
分明寫出騎驢圖，風度散朗貌清淑。
更

有侔儻一片心不是相知那得貌行復行向何許酸風
吹驢耳卓朔向來十上困旅塵驢飢拒地愁向洛不如
乘興且田園萬山亭前大堤曲鰕魚正肥甘蔗美雞黍
可具楊梅熟一樽相與壽先生醉歸勿遣驢失脚

踏雪尋梅圖

明程敏政

驂鞍回首欲相呼不忍輕拋萬玉圖詩骨與花爭勝絕
灞橋還似六橋無

孟浩然騎驢吟雪圖

明高啓

西風驢上倚吟魂只到龐公舊隱村何事能詩杜陵老
也頻騎叩富兒門

孟襄陽雪行圖

明張羽

雪滿秦京欲去遲故人當路漫相知平生多少驚人句
卻向君前誦怨詩

張建封擊球圖

元張昱

唐家風流尚毬馬中外靡然為之化徐州節度張建封
坐領東藩示閒暇長簫短吹行相隨以此慢遊為日夜

玉山壓馬醉扶歸正及樓頭望春罷孔雀屏圍次第開
黃金買得春無價不教白日向西馳只許黃河向東瀉
使君死後誰登臨燕子不來風雨深綠珠甘守珊瑚樹
文君獨宿鴛鴦衾當其意氣傾朝野肯信人無百年者
萬言猶在從事書一幅空遺後人畫

為郭宗道祭酒題韓滉移居圖

元貢師泰

田夫生長田間住辛苦移家向何處老牛帶犢驢引駒
婦姑騎過前村去牽衣裹兒囊在肩瓢壺瓦缶懸蒲韉

一童翦髻隨左右兩髯偃僂相後先
新來茅屋徒四壁東鄰西鄰不相識
種田未了主家租又恐官司著差役
唐朝宰相韓晉公念爾流離多困窮
當時落筆豈無意正欲廊廟知民風
願得轉徙安居室周公亦曾作無逸
只教天祿待青藜

令狐學士金蓮圖

元許有壬

九天光彩動金闈輦路風香樹影齊
却笑漢家恩數薄

裴晉公綠野探梅圖

息軒筆
二首

元王惲

淮西平一兩河清綠野梅花照眼明霜鬢未容閒裏老
南枝消息要和羹

當年韓白兩詞人吟賞天教在相門邂逅有詩窮勝事
最憐疎影月黃昏

陸羽烹茶圖

明張以寧

閱罷茶經坐石苔惠山新汲入甕杯高人慣識人間味
笑看江心取水來

風雪藍關圖

二首

元王惲

天威不遠雷霆迅雪擁藍關惜自傷不似老坡南竄夜
一天風露縱浮航

兇鋒笑折王庭湊赤手嬰鱗撼憲皇可惜堂堂忠義氣
枉將衰朽託吾湘

韓文公度藍關圖

明 吳 寬

韓公上書諫佛骨自分投荒生不還忍寒作詩示姪輩
千古增重藍田關關門雪深阻去馬直氣早已開衡山
唐皇殂矣骨亦朽漳江無墓空潺湲鳴呼漳江無墓空

潺湲潮州廟碑不可刪

退之留別大顛圖

金段成已

吏部文章日月光平生忠義著南荒肯因一轉山僧語
換却從來鐵石腸

石鼎聯句圖

元劉因

玩世如一鼎姓名誰得聞仙翁應自笑知我有鄒忻

石鼎聯句圖 二首

元王惲

衡山何物老彌明氣轢侯劉到震驚笑向半空盤硬語

火爐頭上把降旌

海上游談接大顛鼎邊聯句託軒轅不須苦泥中間事
二者看來總大言

戲題李渤聯德高蹈圖

八首

元劉因

黑色黃頭渠醜女綸巾羽扇我周郎已辭魯肅三千里
莫望成都八百桑

鹿門安敢笑隆中耕耨傳家兩地窮愛殺阿山頗神駿
看教他日拜龐公

方寸無窮皦皦天豈惟毛髮要歸全臨終一聽曾元語
愈嘆黔婁有婦賢

廣庠炊罷補麻衣習取禁寒抗老飢幸自伯鸞無識者
對人不必案齊眉

江湖魏闕有心期莫怪先生起太遲寄謝移書韓博士
山妻原不解啼飢

高詠清江月近人一家燈火夜相親多齋自任傍人笑
已把靈臺付鬼神

諸生課罷弄烟霞
紡織乘閒為煮茶
白鹿高風有誰繼
草堂貧女晦菴家

萬里江鷗不易馴
百年我愛隱君秦
歸來匹婦休相笑
老眼真能混世塵

盧仝煎茶圖

明唐寅

千載經綸一秃翁
王公誰不仰高風
緣何坐聽添丁慘
不住山中住洛中

樂天不能忘情圖 二首

元元好問

得便宜是落便宜木石癡兒自不知就使此情忘不得
可能長在老頭皮

芙蓉脂肉紫霞漿別是仙家煖老方只在柳枝拚不得
忘情一馬亦何妨

樂天不能忘情圖

二首

元王惲

駱馬悲鳴頓玉珂停杯重聽柳枝歌做成一段閒公案
轉覺香山長物多

楊柳新聲滿洛陽樽前風味老難忘筆端拈出新詩句

似為樊姬作嫁裝

樂天不能忘情圖

二首

元 袁 桷

病來心事轉蹉跎
身外猶嫌長物多
況是春歸留不得
侍兒無用蹙雙蛾

青衫憔悴老江州
放逐歸來萬事休
有醉吟情未減
又翻新樣柳枝愁

白樂天琵琶行圖

元 劉 因

冀馬嘶寒風逐臣
念鄉國江浦聞哀絃
長吟望南北

潯陽琵琶圖

元張雨

一幅山屏秋月圓
荻花楓葉染江天
江州自是無司馬
多少琵琶上別船

湓浦琵琶圖

明高啓

秋夜相逢處
閨愁雜宦情
四絃風共拂
兩櫂月同明
司馬青衫濕
佳人白髮生
至今湓浦上
楓葉尚哀聲

白傅湓浦圖

明高啓

相逢淪落總天涯
舟泊湓江近荻花
逐客青衫自多淚

傷心不用怨琵琶

題九老圖 二首

宋陳造

涼亭燠館塵埃外
野鳥溪花俎豆前
但愛林泉映華髮
豈知勛烈載青編

帝憐憂國許歸田
猶得幽居俯澗瀍
應笑詩人賦招隱
茹芝帶索只臞仙

為陸全卿題劉松年香山九老圖

明吳寬

高松大竹生翠寒密林隱隱攢峰巒杳然流水出深谷
新鑿山中八節灘江州司馬不愛官笑領諸客來盤桓
棋枰書卷各有適適意豈在陳杯盤酒酣耳熱忽起舞
戲折名花斜挿冠趨朝疲繭足非病在野輕健心偏安
權門赫赫誇牛李門下黨人分彼此直氣騰騰逼石樓
甘作香山老居士劉侯此圖超俗塵能與九老俱傳神
衣冠雖作山林樣狀貌終為臺閣人孰為胡杲與吉叟
孰為鄭據并劉真二盧張狄總預售居士樂易皆相親

獨憐舊友今何處
禹錫微之嗟失身

香山九老圖

明王恭

唐家名臣白居易
暮年脫略青雲器
抗節羞趨當路門
拂衣起謝人間事
以茲疎散愛香山
洛下羣公亦遂閒
玉堂金馬俱殘夢
流水孤雲同去還
石樓烟樹隴隴見
八節迴灘瀉秋練
雲衣落落古松姿
鶴髮皤皤凍梨面
人生宦達應如此
豈必浮名絳青史
楚國三生少見機
竹林七賢徒為爾
名遂身閒古所稀
洛陽山水饒清暉

青山何處無佳賞
白首湮沈空布衣

香山九老圖

明莊鼎

山林我極勞
千慮宦海誰能著
萬牛自古更無陶靖節
而今須畫白江州
尋常此日才多病
八十他年更幾秋
俯仰乾坤無一語
道人乘月坐江樓

九老圖

用邵二泉
宗伯韻

明顧應祥

香山老人避世人
性耽冲澹樂天真
招邀知己結雅社
眇視聲利同埃塵
流風已遠事若新
茲圖無乃傳其神

衣裳不異山中叟，抱負俱為席上珍。
歲月悠悠幾百春，高名千載迴絕倫。
廟堂勲業倘來寄，泉石襟期見在身。
便欲相從一問津，撫卷令人感慨頻。
浮玉山前亦堪樂，澄湖碧浪涵秋旻。

賈治安騎驢圖

元甘立

西風烏帽鬢毵毵，拂袖長吟倚暮酣。
得句不衝京兆尹，蹇驢行遍大江南。

觀明發畫李賀高軒過圖

宋僧道潛

唐年茂宗枝時平多俊良長吉尤震曜春林擢孤芳退
之於孔門屹屹真棟梁筆力障百川風濶息其狂破衣
繫麻屨右顧生輝光一朝與湜輩命駕驚煌煌賀初為
兒童隨父事迎將須臾命賦詩英氣加激昂長安衆詞
客聲問爭推揚風流垂異代尚想古錦囊君今亦宗英
韻勝斯人方少年肯事事苦學志獨強風騷擬屈宋妙
處相頡頏丹青出戲弄配古猶擅場形容示往事彷彿
如在旁一徑入幽遠古垣繚林莊平橋跨綠水叢薄含

蔥蒼晴窓為披拂佳興杳難忘

李賀醉吟圖

元 劉 因

赤蚪翩翩渺無聞望之不見矧可親
浮世浮名等濁溷
眼中擾擾投詩人心肝未了人間春
龐眉尚作哦詩顰
太平瑞物不易得
昌黎仙人掌中珍
北風蕭蕭吹野麟
千年淚雨埋青雲
乾坤清氣老不死
丹鳳再來須見君

莊宗橫吹圖

二首

元 王 恽

郭相西征奏凱還
阿嬌歡寵鏡交鸞
却嫌暖殿春風燠

玉管橫翻曉吹寒

霸業艱難百戰開
侈心何苦溺優俳
豈知兩部仙韶罷
總是君王火葬材

桑維翰鐵硯圖

明
唐寅

書生豪氣壓千軍
示者扶桑一卷文
鐵硯未穿時世改
功名回首信浮雲

李後主圖

元
馬祖常

澤國中寒歲年宴
沙嶼潮痕明石棧
風吹半樹野梅發

天上書來問春雁江南後主丹鉛手畫盡冰絲世無有
宮中長畫諫囊稀媚嫵吳娃雙進酒

南唐王齊翰別耳圖

明吳寬

綵毫細染王良史玉手親收黃保儀別耳不妨閒釋卷
撚髭全勝苦尋詩危言自足驚都尉善戲何須及帝姬
寫入志林傳後代眉山此段事尤奇

韓文靖重幀圖

二首

元王恽

熙載南朝亦宰臣後來狂飈欲全身比教乞食歌姬院

坐閱棋枰似可人

名教之中樂有餘只須棋槩可歡娛
晦翁微貶文昌意正為先生不著書

顧宏中畫韓熙載夜宴圖

元 顧 瑛

銀燭金爐夜若春紅妝一顧一迴新
觀圖不獨丹青美又必知其繪畫人

顧宏中畫韓熙載夜宴圖

元 鄭元祐

熙載真名士風流追謝安每留賓客飲
歌舞雜相歡卻

有丹青士燈前仔細看誰知筵上景明日到金鑾

顧宏中畫韓熙載夜宴圖

元何廣

人物風流獨占魁娛賓清夜綺筵開醉眸頻看紅妝舞
疑是姮娥月裏來

題韓熙載夜宴圖

三首

明王世貞

遏雲歌罷舞迴風夜半腰支不屬公屈戌乍搖紗弄影
可應人是顧宏中

由來歌舞破江山庭樹能催王氣殘唱得浣溪宮樣句

小樓吹徹玉笙寒

燒來紅淚盡辭銀花擁舒郎別院春國難家讐都未了
可能還較絕纓人

石上三生圖

元程鉅夫

巫峽三聲斷王城一夢回坐橫牛背穩不道故人來

三生石上圖

明鄭關

三生意已傳一曲歌還歇何物識同心西山舊蘿月

御定歷代題畫詩類卷四十